

## SiōngChú só Kahì ê Hòksāi

**13** Lín tiòh chhinchhiū<sup>n</sup> hia<sup>n</sup>tī chímōe kèsiòk sa<sup>n</sup>thià<sup>n</sup>. 2 M̄ thang bē kìtit hó khoánthāi chhutgōa lāng, inūi á<sup>n</sup>ne chò ē tī bōi tióng khoánthāi tiòh thi<sup>n</sup>sài. 3 Tiòh siàuliām hiahê siū koai<sup>n</sup>ka<sup>n</sup> ê lāng, chhinchhiū<sup>n</sup> kakī mā kah in tâng koai<sup>n</sup>ka<sup>n</sup>. Tiòh siàuliām hiahê siū gèkthāi ê lāng, chhinchhiū<sup>n</sup> lín kakī mā teh siū khótòk.

4 Lín chēnglāng lóng tiòh chuntiōng hunin, huhche tiòh hōsiong tionsit, inūi SiōngChú ē símphò<sup>n</sup> suthong kah kiā<sup>n</sup> kanîm ê lāng.

5 Chòlāng m̄ thang thamchâi, tiòh boánchiok kakī sōū ê, inūi SiōngChú bat kóng:

**Góa choattùi bē līkhui lí,**

**mā choattùi bē pàngsak lí<sup>37</sup>**

6 Sói, lán ē tàng hótá<sup>n</sup> kóng:

**Chú sī góa ê pangchān,**

**góa bô kia<sup>n</sup>hiā<sup>n</sup>.**

**Lāng ē tàng kā góa á<sup>n</sup>chóa<sup>n</sup>38?**

7 Lín tiòh siàuliām hiahê íchēng ínchhōa lín, koh thoân SiōngChú ê tōlí hō lín ê lāng. Tiòh chimchiok khò<sup>n</sup> in kiā<sup>n</sup>táh ê kiatkó, thang háksip in ê sìnsim. 8 Iésu Kitok chājít, kimjít, itítit kàu éngóán, lóng bē káipiàn. 9 Lín m̄ thang hō ták chióng kíkòai ê kàu<sup>n</sup>gī chhōa bēlō khì, inūi lán ê sim siōng hó sī óakhò SiōngChú ê intián lâi kiankò; m̄ thang óakhò chiáhmih, inūi hiahê chunsiú chiáhmih kuikí ê lāng pēng bô tit tiòh līek.

10 Lán ū chètò<sup>n</sup>, tī hōebō hòksāi ê lûthài chēsì bô koân thang chiá chètò<sup>n</sup> téng ê chēmih. 11 lûthài lāng ê tōachēsì tò<sup>n</sup> chengse<sup>n</sup> ê hoeh jip khì Chìsèngsǒ chò siòkchōechè, khiok kā chengse<sup>n</sup> ê sithé tī iā<sup>n</sup>gōa sio tiāu. 12 Sói, ū

<sup>37</sup> SBK 31:6 ; CSK 28:15

<sup>38</sup> SPh 118:6

## 上主所 Kah 意 ê 服事

**13** Lín tiòh 親像兄弟姊妹繼續相疼。 2 M̄ thang bē 記得好款待出外人，因為 á<sup>n</sup>ne 做 ē tī 無意中款待 tiòh 天使。 3 Tiòh 數念 hiahê 受關監 ê 人，親像 kakī mā kah in 同關監。 Tiòh 數念 hiahê 受虐待 ê 人，親像 lín kakī mā teh 受苦毒。

4 Lín 眾人 lóng tiòh 尊重婚姻，夫妻 tiòh 互相忠實，因為上主 ē 審判私通 kah 行姦淫 ê 人。

5 做人 m̄ thang 貪財，tiòh 滿足 kakī 所有 ê，因為上主 bat 講：

我絕對 bē 離開你，

mā 絕對 bē 放 sak 你<sup>37</sup>。

6 所以，咱 ē tàng 好膽講：

主是我 ê 幫贊，

我無驚惶。

人 ē tàng kā 我 án 怎<sup>38</sup>？

7 Lín tiòh 數念 hiahê 以前引| chhōa lín，koh 傳上主 ê 道理 hō lín ê 人。 Tiòh 斟酌看 in 行踏 ê 結果，thang 學習 in ê 信心。 8 耶穌基督昨日、今日，一直到永遠，lóng bē 改變。 9 Lín m̄ thang hō ták 種奇怪 ê 教義 chhōa 迷路去，因為咱 ê 心 siōng 好是 óa 靠上主 ê 恩典來堅固；m̄ thang óa 靠食物，因為 hiahê 遵守食物規矩 ê 人並無得 tiòh 利益。

10 咱有祭壇，tī 會幕服事 ê 猶太祭司無權 thang 食祭壇頂 ê 祭物。 11 猶太人 ê 大祭司帶 chengse<sup>n</sup> ê 血入去至聖所做贖罪祭，卻 kā chengse<sup>n</sup> ê 屍體 tī 營外燒掉。 12 所以，為 tiòh beh 用 kakī ê 血 hō 眾人成做聖潔，耶穌 mā tī 城

<sup>37</sup> 申 31:6 ; 創 28:15

<sup>38</sup> 詩 118:6

tiòh beh ēng kakī ê hoeh hō chēnglāng chiâ<sup>n</sup>chò sèngkiat, lésu mā tī siâ<sup>n</sup>mng gōa siū khóilān. 13 Anne, lán mā tiòh chhutkhì iâ<sup>n</sup> gōa, kah I chòhóe jímsiū lēngjiók. 14 Inūi tī tēchiū<sup>n</sup> lán bô éngkiú ê siâ<sup>n</sup>, lán sī teh chhōe hit chō teh beh lâi ê siâ<sup>n</sup>. 15 Sói, lán tiòh thongkòe lésu, kèsiók ēng oló ê chè hiàn hō SiōngChú, che tòh sī kongkhai sēngjīn Chú miá ê lāng ê chhùitūn só kiát ê kóechí. 16 Lín tiòh ē kítit chò hósū kah hōsiong hunhióng, inūi che sī SiōngChú só hoa<sup>n</sup>hí ê chēmih.

17 Tiòh sūnhók ínchhōa lín ê lāng, koh tiòh thia<sup>n</sup> in ê òe, inūi in putsí teh khò<sup>n</sup>kò lín ê lēnghūn, thang oānsēng SiōngChú ê kautài. Lín tiòh hō in tī tùi SiōngChú kautài ê sī simlāi hoa<sup>n</sup>hí, m̄ sī pisiong thókhùi; inūi nā hō in pisiong thókhùi, tùi lín pēng bô līek.

18 Chhiá<sup>n</sup> kèsiók ūi goán kító. Goán khaksìn kakī ū chhengpèh ê liōngsim, j̄chhiá<sup>n</sup> goān hoānsū chiàu chià<sup>n</sup>lō̄ lâi kiâ<sup>n</sup>. 19 Góa tèkpiát khúnkiú lín ūi góa kító, thang hō góa ē tàng khah kín koh tríkhì lín hia.

## Chiokhok kah Kiatbóe ê Chhéngan

20 Ta<sup>n</sup> goān siú<sup>n</sup>sù pēngan ê SiōngChú, iā tòh sī thongkòe lésu ūi khaklip éngoán ê iok só lāu ê hoeh, hō iū<sup>n</sup>kūn ê tōabókchiá lán ê Chú lésu tùi sí kohoáh ê hit ūi SiōngChú, 21 hō lín tī tàk hāng hósū siōng oānpī, thang lâi chunhēng I ê chí; koh thongkòe lésu Kitok, tī lán lāibīn chò I só hoa<sup>n</sup>hí ê tāichì. Goān ēngkng kui tī SiōngChú, taitāi bô chīn. Amen!

22 Hia<sup>n</sup>tī chí<sup>m</sup>ōe, góa khng lín tiòh nāisim thia<sup>n</sup> góa khoānbián ê òe, inūi góa só siá ê phoe kítit pēng bô tng. 23 Góa ài lín chai, lán ê hia<sup>n</sup>tī Tīmóthēh íkeng chhut ka<sup>n</sup> ā. I nā khah chá lâi, góa ē kiò i kah góa chòhóe khì lín hia.

24 Chhiá<sup>n</sup> lín thè goán k̄ hiahê ínchhōa lín ê lāng kah chēng sēngtō chhéngan. Tùi Italáh lâi ê hia<sup>n</sup>tī mā beh k̄ lín chhéngan.

門外受苦難。13 Anne, 咱 mā tiòh 出去營外, kah 祂做伙忍受凌辱。14 因為 tī 地 chiū<sup>n</sup> 咱無永久 ê 城, 咱是 teh chhōe hit 座 teh beh 來 ê 城。15 所以, 咱 tiòh 通過耶穌, 繼續用 oló ê 祭獻 hō 上主, 這 tòh 是公開承認主名 ê 人 ê 嘴唇所結 ê 果 chí。16 Lín tiòh ē 記得做好事 kah 互相分享, 因為這是上主所歡喜 ê 祭物。

17 Tiòh 順服引| chhōa lín ê 人, koh tiòh 聽 in ê 話, 因為 in 不時 teh 看顧 lín ê 靈魂, thang 完成上主 ê 交帶。Lín tiòh hō in tī 對上主交帶 ê 時心內歡喜, m̄ 是悲傷吐氣; 因為若 hō in 悲傷吐氣, 對 lín 並無利益。

18 請繼續為阮祈禱。阮確信 kakī 有清白 ê 良心, 而且願意凡事照正路來行。19 我特別懇求 lín 為我祈禱, thang hō 我 ē tàng khah 緊 koh tng 去 lín hia。

## 祝福 kah 結尾 ê 請安

20 Ta<sup>n</sup> 願賞賜平安 ê 上主, 也 tòh 是通過耶穌為確立永遠 ê 約所流 ê 血, hō 羊群 ê 大牧者咱 ê 主耶穌 tùi 死 koh 活 ê hit 位上主, 21 hō lín tī tàk 項好事上完備, thang 來遵行祂 ê 旨意; koh 通過耶穌基督, tī 咱內面做祂所歡喜 ê tāichì。願榮光歸 tī 上主, 代代無盡。阿們!

22 兄弟姊妹, 我勸 lín tiòh 耐心聽我勸勉 ê 話, 因為我所寫 ê phoe 其實並無長。23 我 ài lín 知, 咱 ê 兄弟提摩太已經出監 ā。伊若 khah 早來, 我 ē 叫伊 kah 我做伙去 lín hia。

24 請 lín 替阮 k̄ hiahê 引| chhōa lín ê 人 kah 眾聖徒請安。Tùi 意大利來 ê 兄弟 mā beh k̄ lín 請安。

25 Goān SiōngChú ê intián kah lín chènglâng  
tôngchāi. Amen!

25 願上主 ê 恩典 kah lín 眾人同在。阿們！